

## **Theologia Scholastica Secundum Viam Et Doctrinam D. Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. III. Quomodo Deus dicatur agere propter finem?

---

[urn:nbn:de:hbz:466:1-74152](#)

## Tractatus IV. Disputatio I. Articulus II. §. I. II. III.

4

hementior praecessit apprehensio, ac desiderium boni, tantò soleat esse intensior delectatio & fructus de bono obtento.

**6.** Colliges quinto. Omnes (1) actus liberos esse formaliter propter finem; (2) ex actibus verò necessariis, illos solum actus voluntatis, qui à comprehensore elicuntur, ut amor beatificus & fructus. Ratio primi est, quod omnes illi actus ex deliberata voluntate & perfecta cognitione finis procedunt. Ratio secundi est: Ille actus est formaliter propter finem, qui procedit ex perfecta cognitione finis, representante proportionem ipsius ad media, & ad ipsum appetentem. Sed ex actibus à voluntate necessarii eliciti soli actus comprehensoris, nimirum Amor & fructus procedunt ex perfecta, imo perfectissima cognitione finis, ipsa scilicet visione beatifica Divinæ essentiae, tanquam Summi Boni adquata satiationis voluntatem: econtra actus necessarii viatoris: videlicet motus primi primi procedunt solum ex imperfecta cognitione finis, & ut loquitur S. D. tantum habens finem quasi imaginatum: ergo soli actus voluntatis à comprehensore necessarii eliciti formaliter sunt propter finem.

**7.** Colliges Sexto. Nullam creaturam irrationaliè formaliter agere propter finem. Ut his a. 2. S. D. Cujus ratio est, quod nec se ipsis propriè in finem moveant, nec bonitatem finis formaliter h. e. secundum rationem convenientiam & proportionem cum medijs, sed solum materialiter, hoc est, rem, qua sibi bona est, apprehendant, de quo plura Philosophi.

### §. II.

#### Solvuntur objectiones.

**8.** Objecies secundò, contra Collig. 4. ex S. D. q. seq. a. 6. ad 1. Primò. Quod non distinguitur ab ipso fine, non est propter finem: sed juxta D. Thom. delectatio in bono, seu quietatio in ipso, non distinguitur à fine: ergo non est propter finem. Minor colligitur ex loco citato. Delectatio, inquit, propter se, & non propter aliud appetitur, si ly proper dicat causam finalē. Secundò. Quod per modum complementi connaturaliter sequitur ipsum finem, non ponit in numero cum fine, sed fructus & delectatio connaturaliter sequuntur possessionem finis. Tertiò. Finis, prout exercet munus causa finalis est prima causarum, sed finis ut executus est ultimum: ergo ut sic non exercet munus causa finalis in intentione: Atqui respectu fructuationis & delectationis finis est executus: ergo respectu illorum actuum non exercet munus causa finalis; nec proinde isti actus sunt propter finem.

Respondeo ad 1. cum Philippo à S. Trin. delectationem illo loco à S. D. non accipi formaliter, tanquam pro actu elicto circa finem, de quo loquimur in praesenti, sed objectivè, prout haber rationem objecti appetibilis respectu alterius actus, quo appetitur, sub qua ratione & acceptio ne non ponit in numero cum ipso fine. Sicque patet responsio ad 2. nimirum complementum connaturaliter consequens finem, non ponit in numero cum fine, objectivè spectatum, concedo, formaliter sumptum, nego. Ad 3. Respondeo,

Finis ut executus, est ultimum respectu quorumcunque actuum, nego, respectu mediorum, cùrūque actuum, qui ad executionem diriguntur, concedo, & similiter distincto consequente, nego primam & reliquas consequentias. Inquit. Posita executione cessat intentio finis; ergo tunc finis non amplius moveat, & causat in intentione. Respondeo. Cessat finis intentio, prout intentio nominat efficacem prosecutionem finis determinantem ad electionem mediorum, concedo, prout intentio dicit esse apprehensum & intentionale, quod finis habet in intellectu, nego antecedens & consequentiam.

Objecies secundò, contra Collig. 5, causalitas finis consistit in hoc, quod moveat & determinet voluntatem ad sui amorem, sed Deus claram visionem non moveat aut determinat voluntatem ad sui amorem, quippe jam ex se, & ex sua natura ab intrinseco determinatam ac necessitatem ad amandum DEUM, ut infra dicetur. Sed respondeo, distinguendo minorem. Non moveat voluntatem liberè, quod unicum impugnat adversarius, concedo, non moveat, & determinat necessariò, nego. Item voluntas Beati est ab intrinseco determinata ad amandum DEUM, dependenter à visione Divina essentiae sub ratione Summi Boni, concedo, independenter ab illa, nego. Gratus igitur assumit & supponit predicatus Author, tunc solum adesse motionem & causalitatem finis, quando voluntas ipsa semper liberè & applicativè; id est negare cogitur, quod respectu amoris beatifici Deus propriè habeat rationem finis. Quæ sane difficultas sustineri possunt primo: quia hac ratione necessitas charitatis, quem Angelus aut Adamus in primo instanti elicuit, fuisse formaliter propter finem, siquidem fuit à DEO specialiter moveant & applicante, & à voluntate solum ut eliciente. Secundo. Motio objectiva finis consistit iuxta S. D. in appeti gratiā sui, sed sive appetatur liberè, sive necessariò, apperitur gratiā sui: ergo necessitas appetitionis non oblitat causalitatem & motionem finis; modo sub ratione finis sit perfectè cognitus. Tertiò. Beatus non minus habet judicium practicum de DEO super omnia diligendo, nec minus allicitivè trahitur à bonitate Divina per claram visionem cognitā, quam aliquis Viator habet tale judicium, & trahitur à Divina Bonitate per fidem cognitā: imo hac omnia habet cum majori perfectione, quam Viator: ergo si iste DEU M. liberè amando operatur propter finem, etiam ille necessariò amando DEUM operatur propter finem. Quarto. Respectu illius actus DEUS obtinet formaliter rationem finis, per quem formalissimè attingitur sub ratione finis, sed per amorem beatificum, quo Beatus & omnia refert in DEUM, formalissimè attingitur DEUS sub ratione finis, & quidem ultimi: ergo Major est S. D. qui ex ea capite probat, quod actus voluntarij sunt propter finem, quia finis est objectum voluntatis. Minor per se patet.

### §. III.

Quomodo DEUS dicitur agere propter finem? Respondeo. Operationem liberam DEI vir. (10) Rualiter transuentem, ad extra considerari posse

## De fine humanarum operationum.

posse vel ex parte actus, & secundum quod operatio dicit in recto, vel ex parte termini extra se relictus, & secundum quod operatio dicit in obliquo, si primò modò consideretur, tunc sicut illa operatio est identificata cum DEO & ipse DEUS, sic neque habet causam efficientem, neque finalē, utpote ens à se; habet tamen virtuale motivum, seu rationem finalē, quae est ipsa increata bonitas DEI, prout dictum in Tract. de DEO. Ita S. I. contr. gentes c. 87. quamvis autem aliquatio Divina voluntatis assignari possit, non tamen sequitur, quod voluntas ejus sit aliqua causa. Si verò operatio DEI accipiat ex parte termini, tunc sicut ille terminus est ens creatum, ita habet veracausam finalē in DEO, nempe ipsum DEUM; omnia enim propter Semetipsum operatus est Dominus. Proverb. 16. Dicitur tamen DEUS aliquando etiam habere aliquem finem creatum, veluti cùm dicimus Verbum Divinum propter nos & propter nostram salutem descendisse de celo. Non ex parte actus & sua voluntatis, sed ex parte Rei Volitæ, in quantum unam rem creatam subordinat alteri; sic enim merita & perseverantiam electorum ordinat ad eorundem gloriam, tanquam media ad finem, prout dictum locitato.

Colliges primò. Deum non habere aliquem finem creatum ex parte sua voluntatis; siquidem increata voluntati debetur incrementum specificativum; sed tantum ex parte rei volitæ, in quantum unam creaturam ordinat in usum alterius; quā de causa S. D. negat hanc propositionem esse veram: Deus vult hoc propter hoc: istam vero probat: Deus vult hoc fieri propter hoc: quia in priori propositione creatura ponitur pro fine ex parte ipsius voluntatis Divinæ, in altera vero pro fine ex parte rei volitæ. Vide, quæ diximus infra de Deo uno, c. 2. n. 4. & 6. 11. §. 2. n. 6.

Volliges secundò: Dari rationem formalem amoris essentialis DEI; non autem notionalis, quatenus virtualiter inadäquate distinguitur ab essentiali. I. pars, quæ est contra Goronem hic a. 4. Ratio est, quia ut operatio sit propter finem, seu rationem finalē, sufficit, quod sit ex perfecta cognitione bonitatis suo modo objectivè aliquantum. Sed amor essentialis DEI est ex infinita bonitate infinito modo secundum prioritatem virtualem praecognita, ipsaque bonitas multo magis & perfectius DEO est ratio amandi scipsum, quam creaturem; ergo amor essentialis in DEO habitationem finalē. Secunda pars probatur. Amor notionalis ut inadäquate virtualiter distinguatur ab essentiali, ratione sua infinita fæcunditatis, ita est productivus Spiritus S. ut si per im-

possibile amor essentialis pro ratione finali non haberet Divinam bonitatem, adhuc tamen esset productivus ipsius: ergo ut sic & quatenus notionalis non habet rationem finalē.

Dices. Si veller DEUS creaturas propter seipsum, tanquam finem, tunc ista haberent rationem medij; sed hanc non haber, quia medium habet bonitatem utilitatis ad consequendum finem: atqui nulla creatura est DEO utilis ad consequendam suam bonitatem: ergo.

Respondeo. In medio duplē habitudinem reperi, utilitatis seu conducibilitatis ad finem, & ordinabilitatis, ac referibilitatis ad finem. Prima habitudo reperi in mediis respectu creatæ voluntatis, quæ quia amat amore affectum, & trahitur ab objecti bonitate, idcirco supponit in objecto appetibilitatem, vel respicientiam utilitatis, si est medium, vel absolutam delectabilitatis, aut honestatis, si objectum est finis. Atqui in creaturis respectu Divina voluntatis tantum reperi habitudo ordinabilitatis, secundum quam solam media dici possunt: nam omne bonum participatum est referibile ad bonum impaticipatum, à quo emanat: Sed creaturæ amantur à DEO tanquam bona participata, amat quippe illas amore effectivo, non affectivo, communicando ipsius bonitatem: ergo etiam amantur ut referentia in infinitum suam bonitatem. Et sic in forma Respondeo ad argumentum, distinguendo sequelam majoris. Haberent rationem medij minus strictè, prout dicit sua bonitatis referibilitatem in superius bonum, concedo, prout dicit rationem utilitatis, nego. Et ad probationem. Medium in ordine ad voluntatem creatam, & amorem affectivum dicit bonitatem utilitatis, concedo, medium, quod est tale in ordine ad voluntatem incretam, & amorem effectivum, nego. Ratio constat ex dictis.

Instat Gibbon. Nihil solennius esse apud 14. Theologos, quām assignare in DEO ordinem in tensionis, & electionis; sed electio debet esse circa medium. Item, omnes admittunt voluntatem prædestinativam: sed hæc definitur à D. Augusto, de don. persev. c. 14. præscientia & preparatio beneficiorum DEI &c. h. e. juxta Ang. Doct. I. p. q. 23. a. I. ordinatio mediiorum, quibus creatura rationalis transmittitur in finem via æternæ. Et quis neget, DEUM velle nostra opera meritoria propter nostram beatitudinem? Respondeo. Plus ex his omnibus non probari, quām quod DEUS creaturas velit tanquam media ex parte voliti, non autem ex parte sua voluntatis, & per comparationem ad suam incretam bonitatem, quod ultrò concedimus.

## ARTICULUS III.

### An ḡ quomodo media ad finem habeant propriam bonitatem?

Tria veniunt in questionem. Primò. An denatur fines intermedij, qui ita exerceant causam finalē, ut tamen ad finem ulteriorem referantur, vel utrum omnis finis sit ultimus, vel simpliciter, & in omni genere, vel secundum quid, h. e. in certa aliqua serie aliquujus actionis, posteriori Vasquez, priorem partem

Schola Thomistica cum communi Scholastico-rum amplectitur. Secundò an media etiam quātalia habeant intrinsecam bonitatem, seu appetibilitatem, vel utrum tantummodo per denominationem extrinsecam à bonitate finis sint & dicantur bona: Priorem doctrinam Thomistæ postiores, posteriorem Conradus & Medina sequuntur.